

## JEJ AIKUJ BAR ʎOTAK

Köttöpar ko an katak in:

- Kwaʎok bwe e jab bwe jerbai in kabuñ.
- Kwaʎok meʎeʎein bar ʎotak.
- Kwaʎok kōn aorōken bar ʎotak.
- Kwaʎok bwe Jisōs wōt e maroñ ʎoṃṃoren kōj.

Meʎeʎe ko reʎap ilo katak in:

- Jen lo bwe ad jerbai ñan Anij e ban juʎok bōd ko ad.
- Jen lo bwe Anij wōt e maroñ ʎoṃṃoren kōj im ukōt kōj.
- Jen lo bwe jej aikuj bar ʎotak bwe jen mour ilañ.
- Jen lo bwe Jisōs wōt E maroñ ʎoṃṃoren kōj.

Jej aolep jeʎā bwe jej likjab ilo elōñ wāween. Jej aolep jeʎā eoon eo me ej ba ejjeʎok rū wānōk, ejjeʎok juon (Rom 3:10). Eʎaññe e ṃool men in innām je naaj kōṃṃan ta bwe jen wānōk? Ejjeʎok kajjitōk bwe eo im ejab wānōk e ban tōpar aelōñ eo an Anij.

Ekwe eoon in me ej ba “ejjeʎok rū wānōk ejjeʎok juon” e ṃool. Kōn men in ejjeʎok armej ewor an maroñ in tōpar aelōñ eo an Anij ilo an make kajoor.

Ilo Kallimur Mokta Anij ear liʎok kien ko joñoul ñan Moses. Ear jiroñ kōj aolep bwe ren kōjparoki. Bōtab je bani, im Anij e jeʎā men in. Anij ear ke ba, “Kōjparoki kien ko Aō joñan wōt aṃ maroñ”? Ear jab. Innām ear ba ta?



*Galetia 3:10 ...“Naaj kōṃṃe jabdewōt eo e jab pād wōt ilo men ko otemjej jeje ilo bok in kien bwe en kōṃṃani.”*

Elōñ rej tōmak bwe Jisōs ear itok bwe En jipañ armej bwe ren tiljek ʎok jān kar ṃokta. Jisōs ear jab itok bwe en kakōṃṃan ʎok men ko re ṃor. Ear bōk tok juon men e kāl. Ej jiroñ kōj bwe jen bar ʎotak!

### 1. Nikodimōs ear loʎok Jisōs.



*Jon 3:1,2 Im juon armej iaan Parisi ro, etan Nikodimōs, irooj in ri Ju ro. E in ear itok ñan E ilo boñ im ba ñan E, “Rabbai, kōm jeʎā bwe Kwe ri Kaki itok jān Anij, bwe ejjeʎok armej ej maroñ in kōṃṃan kakōṣṣe ko Kwōj kōṃṃani eʎaññe Anij e jab pād ippān.”*

Nikodimōs ear juon Parisi. E nañin aolep Parisi ro raar dike Jisōs kōnke Ear kajetokjān aer tiljek ilo aer kabuñ ñan Anij. Raar kate er kōjparok kien, juon ṃōttan joñoul, im jitʎok. Bōtab Jisōs ear ba, *Eʎaññe ami kwōjarjar e jāmin ʎap jān eo an Skraib ro im Parisi ro, koṃ jāmin deʎōñ ilowaan aelōñ in lañ* (Matu 5:20).

Nikodimōs ear kile bwe Jisōs ear jān Anij. Bōlen unin an itok ilo boñ ej bwe ro jet ren jab lo e.

## 2. Nikodimōs ear aikuj in bar lotak.

\* **Armej rej ri jerōwiwi. Rej aikuj Anij, im re jab maroñ make lõmṓren er.**



*Jon 3:3 Jisōs e uwaak im ba ñan e, “E ṓool, e ṓool, Ij ba ñan eok, e laññe armej e jab bar lotak, e jāmin lo aelōñ in Anij.”*

- Elōñ iaan ri Ju ro raar lõmṓnak bwe Anij enaaj bōk er kōnke er nejin Ebrean.
- Raar jab kile bwe aolep armej me re lotak ilo laḷ in rej lotak iumwin kajoor an Setan, im ejjelok aer maroñ in jelā, yokwe, im pokake Anij.
- Jisōs ear ba ñan Nikodimōs bwe ej aikuj bōk juon bōro im lõmṓnak kāal.



Etke Jisōs ear kōnono āindein ñan Nikodimōs? Ta Nikodimos ear jab pukot Jisōs ke? Kab, ear kautiej Jisōs im ba bwe E jān Anij. Nikodimōs ear kate e kōjparok kien ko joñoul. Ear jitolok ruo alen ilo juon wiik, lelok juon ṓottan joñoul, im jar ñan Anij aolep raan. Ta ejab bwe men kein ñan kowānōk juon armej ke? Innām ewi likjab eo an Nikodimōs? Ear jañin bar lotak.

Ta meḷeḷe in men in? Ekwe, eṓoj ad aolep lotak juon alen. Ke jaar lotak alen juon jar ri jerōwiwi.

Ke jaar lotak, etke jaar ri jerōwiwi im iumwin Setan? Kōn juon men jaar kōmṓmane ke? Jaab. Unin ad kar āindein ej kōnke jaar jolōt jerōwiwi an Adam.




*Rom 5:12 Kōn men in āinwōt kōn juon armej jerōwiwi ej deḷoñ ilo laḷ im mej kōn jerōwiwi, im āindein mej ear itok ioon armej otemjej, bwe er otemjej raar jerōwiwi.*

Jej ri jerōwiwi jān iien ad lotak. Jerbal ko ad remṓan re jab maroñ bōklok kōj jān iumwin kajoor an Setan im kadeḷoñ kōj ilo baamle an Anij. Je jepel jān Anij, im jermal ko ad re jab maroñ kōllaajrak kōj ñan E.



*Job 14:4 Wōn e maroñ in bōktok juon men erre jān eo ettoon? Ejjelok juon.*

Jar lotak ilo jerōwiwi. Jej mour ilo jerōwiwi, im jenaaj mej ilo jerōwiwi. Ejjelok juon men je maroñ kōmṓmani bwe jen jab ri jerōwiwi.



Ñan wan joñak, ñe juon piik ej lik, ta eo ej lotak? Kuuj, baō, ke piik? Bar piik. Bwe? Kōnke jinen im jemān rej piik. Ejjelok juon men ñan jidik im juon piik e maroñ kōmṓmane bwe en oktak im jab piik. Enaaj juon piik toun wōt an mour.

Ejjelok juon men im kwe kab ña je maroñ kōmṓmane bwe jen oktak im jab ri jerōwiwi. Ejjelok ad maroñ bwe jen oktak! Jej aikuj bar lotak!



*Jon 3:4 Nikodimōs e ba ñan E, “Ekōjkan armej e maroñ lotak ñe e rütto? E maroñ bar deļoñ ilowaan lojien jinen, im bar lotak ke?”*

Nikodimōs ear bwilōñ ke Jisōs ear ba bwe juon armej ej aikuj bar lotak bwe en pād ilo aelōñ in Anij. Jisōs ear ba ñan e, “E jab bwe jermal ko aṃ ñan Anij. Jermal ko aṃ re ban jipān ñan jidik bwe kwōn ippān Anij. Kwōj aikuj bar lotak.”

Nikodimōs ear jab meļeļe.

### 3. Jen lotak kōn dān im Jetōb.



*Jon 3:5 Jisōs e uwaak, “E ṃool, e ṃool, Ij ba ñan eok, eļaññe armej e jab lotak jān dān im Jetōb, e jab maroñ deļoñ ilo aelōñ in Anij.”*

Elōñ kabuñ rej katakin kōj bwe naan in dān ej jutak kōn peptaij. Eṃool ke bwe jej aikuj in peptaij bwe jen etal ñan lañ? Je jeļā bwe e jab ṃool kōnke:

- Baibōļ ej ba bwe armej re Kristian meñe re jañin peptaij (“eṃōj juļok jerōwiwi ko aer,” ak “eṃōj kowānōk er”). Jej ļōmṃak kōn kōrā eo ilo Lk 7:48,50; kōn ri tōl owōj ilo Lk 18:14; ļeo ioon debwāal ilo Lk 23:43, im bar jet.
- Lōṃoṃor ej jermal an Anij wōt, im e tōprak kōn jermal an Kraist (Rom 3:24,25; Epes. 2:8,9).

1 Piter 1:23 ej ba bwe Anij ear bar keotak kōj kōn Naan ko An. Elōñ rej ļōmṃak bwe “dān” ilo Jon 3:5 ej kōnono kōn Naan in Anij me ej jipāñ kōj jeļā Anij im iaļ ko An.



Jisōs ear katakin Nikodimos bwe lōṃoṃor ej jermal an Anij. Ejab tōprak kōn peptaij ak jabdewōt bar juon jermal im je maroñ kōṃṃane.



*Jon 3:6,7 Men eo ej lotak jān kanniōk e kanniōk, im men eo ej lotak jān Jetōb e jetōb. Kwōn jab bwilōñ bwe Ij ba ñan eok, ‘Eṃṃan koṃwin bar lotak.’*

Jisōs ear ba bwe Nikodimōs en jab bwilōñ bwe ej aikuj in bar lotak. Anij ej ba ewor ruo kain armej ilo laļ in:

- jab ro re ṃweie im ro re jeraṃōļ
- jab ro reṃṃan im ro renana
- jab ro re dik im ro re rütto.

Ruo kain armej:	
Lotak juon katen	Lotak ruo katen
Ro raar lotak juon wōt katen im rej pād wōt iuṃwin kajoor an Setan	Ro raar lotak bar juon katen im kiiō rej iuṃwin Anij.


#### 4. Jisōs ej aikuj mej ioon debwāāl.



*Jon 3:14,15 Im āinwōt Moses ear lelōñļok jedpānit eo ilo āne jēmaden, āindein naaj lelōñļok Nejin armej; bwe jabdewōt eo ej tōmak ilo E en mour indeeo.*

Ke Jisōs ear kōmmeļeļeik Nikodimōs kōn bar ļotak, Ear kajerbal juon wan joñak jān Kallimur Mokta.

Ro ri Israel re kar jerōwiwi ñae Anij, im Anij ear jilkinļok jedpānit paijin bwe ren kij er. Elōñ armej raar mej. Ke e oktak ļōmņak ko aer kōn aer jerōwiwi ñae Anij (je maroñ ba raar ukeļok) im raar kwaļok aer nana, Anij ear ba ñan Moses bwe en kōmņan juon annaņin jedpānit jān kōba im likūte ioon juon joor. Anij ear kallimur bwe ñe eņōj kiji jabdewōt armej, eļāñne ear reiļok ñan jedpānit kōba eo, enaaj mour.



Kememej, bwe ren mour raar aikuj kōmņan ta?

- Raar aikuj kile aer nana im būromōj kake.
- Raar aikuj tōmak Anij ke Ear ba reiļok im mour.

Im ke raar reiļok, etke raar mour? Kōnke Anij ear kemour er. Aer mour ej jān Anij, ak Anij ear jab kōmņane māe iien raar ukeļok im tōmak.

Nikodimōs e kar kajjioñ in pokake kien Anij. Ear jab kile bwe Anij e ban bōk e. Ear aikuj kile an ban im reiļok ilo tōmak ñan Jisōs.

Āindein kōj. Je jepel jān Anij kōn jerōwiwi ko ad. Oņean jerōwiwi mej. Ejjeļok men je maroñ kōmņane ñan make ļomņoren kōj jān mej. Jisōs ear ba bwe renaaj “lelōñļok Nejin armej.” Men in ej kōnono kōn aer kar lelōñļok Jisōs ioon debwāāl. Innām jabdewōt eo ej reiļok ñan Jisōs im kōjatdikdik kake mej eo An ñan ļomņoren er, Anij enaaj ļomņoren er.

Ta in bar ļotak? Ej ñe Anij ej leļok mour ekāāl ñan juon armej im ļomņoren e ke Anij ej lo bwe armej eo 1) e būromōj kōn an nana im kōņaan oktak, im 2) ej lōke tokjān mej an Kraist ñan ļomņoren e.

#### \* **Anij e jouj im eņņan.**



*Jon 3:16 Bwe kōn an Anij yokwe laļ, Ear letok juon wōt Nejin Ear keotak, bwe jabdewōt eo ej lōke E en jab jako, a en mour indeeo.*

Kōn an Anij yokwe armej im jab kōņaan bwe ren mej jān lañ, Ear jilkintok Jisōs bwe En mej kōn kōj. Jisōs ej Ri Ļomņor eo, im ejjeļok bar juon e maroñ ļomņoren armej.

#### \* **Armej rej aikuj tōmak bwe ren kabuñbūruon Anij im bōk ļomņor.**

Jisōs ear ba bwe juon ri jerōwiwi ej aikuj ta bwe en wor an ļomņor? Ear ba ej aikuj lōke E. Ñe juon armej ej lōke Anij ke Ej ba bwe Jisōs ej kōļļā oņean nana ko an, innām Anij ej leļok mour ekāāl ñan

armej eo - Ej kōmman bwe armej en bar lotak. Armej eo ej erom nejin Anij, im e jab bar pād iumwin kajoor an Setan. Eñin unin an Jisōs jiroñ armej bwe ren ukōt lōmṇak ko aer im lōke nuuj eo emman an Anij.

## 5. laḷ in mour im mej.

### \* **Anij e jouj im emman.**

Jisōs ear ba bwe ro rej lōke E re ban “jako.” Re ban etal ñan eñtaan indeeo.

Ro rej lōke Jisōs bwe En aer Ri Lomṇor, ta eo enaaj waḷok ñan er? Renaaj “mour indeeo.”



*Jon 3:17 Bwe Anij ear jab jilkintok Nejin ñan laḷ bwe En ekajet laḷ, a bwe laḷ en mour kōn E.*

Eñin kallimur eo an Anij. Je maroñ ke lōke E? Aet!



*Jon 3:18 Jab ekajet eo ej lōke E; a emōj ekajet eo e jab lōke E, bwe ear jab lōke etan juon wōt Nejin Anij ear keotak.*

Ejjeḷok armej ej aiku j kattar maē iien an mej bwe en lo eḷañne Anij enaaj bōk e ke jab. Je jeḷā bwe ro re jab lōke Jisōs, emōj ekajet er kadede.



*Jon 5:24 E ṇool, e ṇool, Ij ba ñan koṇ, Eo ej roñjake Aō in naan, im lōke Eo ear jilkin- tok Eō, an mour indeeo, im e jāmin itok ilo ekajet; a ear ilok jān mej ñan lowaan mour.*

Ro rej errā ippān Anij re ban pād ilo ekajet eo. Renaaj mour. Ewor juon wōt Ri Lomṇor, Jisōs Kraist.



*Jon 3:19,20 Im men in ekajet eo, bwe meram e moottok ñan laḷ, im armej rej yokwe ma- rok eḷap jān meram, bwe jermal ko aer re nana. Bwe jabdewōt eo ej kōmman nana ej kōjdate meram, im e jab itok ñan meram ñe ab kauwe jermal ko an.*

Unin an armej jab errā ippān Anij im lōke E ej kōnke emman ippaer kōmman ko aer re nana. Re jab kōṇaan oktak. Re jab kōṇaan bwe Anij en ba ñan er ta eo ren kōmmane.

Anij e kōṇaan bwe jen bar lotak. E kōṇaan letok mour im lomṇoren kōj jān kajoor an Setan im jān mej indeeo. Eḷañne emōj aṃ kōṇaan oktak jān nana ko aṃ im iaḷ ko aṃ make, im kwōj kōjatdikdik kake mej an Jisōs ñan lomṇorem, innām kwō maroñ ba, “I jeḷā ta eo enaaj waḷok ñan eō ñe I mej. I ban pād ilo ekajet eo. Inaaj mour ilañ ippān Anij.”

---

Kajjitōk ko

1. Nikodimōj ear juon ta?
2. Ewi wāween an kar Nikodimōj kwaḷok an tiljek ñan Anij?
3. Ear bwe ke joñan in?

4. Jisōs ear ba ta kōn wānōk an juon armej?
5. Nikodimōj ear ļōmņak ta kōn Jisōs?
6. Jisōs ear ba bwe armej rej aikuļ ta bwe ren pād ilo aelōñ in Anij?
7. Ewi wāween bar ļotak?
8. Ļotak kōn dān meļeļe in bwe jej aikuļ in peptaij bwe jen wānōk ke?
9. Ewi wan joņak eo jān Kalliņur Mokta im Jisōs ear kwaļok e ñan Nikodimōj bwe en meļeļe ļok kōn bar ļotak?
10. Elōñ ke juon men im je maron kōmņane bwe jen wānōk iņaan mejān Anij?
11. Ri Ju ro raar aikuļ in kōmņan ta bwe ren mour jān baijin eo?
12. Wōn e maroñ kōmņan bwe juon armej en bar ļotak?
13. Ñe juon e bar ļotak, ta eo enaaj waļok ñan e ñe e mej?